



Broj: 22-06-14-836/18
Sarajevo, 17.04.2018. godine

Na osnovu člana 70. stav 2. Zakona o organizaciji organa uprave u FBiH ("Službene novine Federacije BiH" br.: 35/05) a u vezi sa članom 17. stav 1. Zakona o javnim nabavkama BiH ("Službeni glasnik BiH", br.: 39/14) i članom 2. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo d o n o s i

ODLUKU
o pokretanju javne nabavke putem direktnog sporazuma

I

Ovom Odlukom se pokreće postupak javne nabavke putem direktnog sporazuma za nabavku, isporuku i ugradnju "cisterne s pumpom" prema specifikaciji iz obrazca za cijenu ponude, za internu upotrebu ugovornog organa.
Oznaka i naziv iz JRJN: 34223200-8 - Cisterne s pumpom.

II

Vrijednost javne nabavke iz tačke I ove odluke procjenjuje se na iznos do 6.000,00 KM bez PDV-a.

III

Sredstva za nabavku iz člana I ove odluke se osiguravaju iz planiranih budžetskih sredstava Kantonalne uprave civilne zaštite Kantona Sarajevo za 2018. godinu sa ekonomskog koda 821300 – Nabavka opreme, subanalitika UAX001 - Nabavka opreme.

IV

Ova odluka stupa na snagu danom donošenja.

Obrazloženje

Kantonalna uprava civilne zaštite pokreće postupak javne nabavke putem direktnog sporazuma za nabavku nadzemne cisterne sa pumpnim automatom za istakanje goriva u motorna vozila ugovornog organa. Navedena nabavka nije evidentirana u Planu nabavki za 2018. godinu, ali je Profesionalna vatrogasna jedinica koja se nalazi u sastavu ugovornog organa iz razloga bolje efikasnosti i efektivnosti kao i dostizanje visokog stepena operativnosti na terenu iskazala potrebu za ovim predmetom nabavke.



E-mail: kucz@kucz.ks.gov.ba ; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdžara 1



Broj: 22-06-14-836-3/18
Sarajevo, 08.05.2018. godine

Na osnovu člana 70. stav 1., 2. i 3. Zakona o javnim nabavkama Bosne i Hercegovine („Službeni glasnik BiH“, broj: 39/14) i odredbama Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Direktor Kantonalne uprave civilne zaštite Kantona Sarajevo *donosi*

ODLUKU
o izboru najpovoljnijeg ponuđača

Član 1.

Ugovor za javnu nabavku "cisterne sa pumpom za istakanje goriva" za internu upotrebu ugovornog organa prema specifikaciji iz obrazca za cijenu ponude, putem direktnog sporazuma dodjeljuje se ponuđaču "Euro-Sell" d.o.o. Ul. Braće Omerbašić br.40, 74264 Jelah, ID broj: 4218812950002 prema ponudi broj: 001-024/18, dostavljenoj putem e-maila, dana 19.04.2018. godine, za ponudenu cijenu od 4.650,00 KM (slovima: četirihiljadešeststotinapedeset KM) bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču "Euro-Sell" d.o.o.

Član 3.

Ova Odluka stupa na snagu danom donošenja.

Obrazloženje

Direktor Kantonalne uprave civilne zaštite Kantona Sarajevo donio je Odluku o pokretanju postupka javne nabavke broj: 22-06-14-836/18 od 17.04.2018. godine.

U skladu sa članom 5. Pravilnika o postupku direktnog sporazuma Kantonalne uprave civilne zaštite Kantona Sarajevo broj: 22-44-401/15 od 25.03.2015. godine, Kantonalna uprava civilne zaštite Kantona Sarajevo ispitala je tržište, te uputila zahtjev za dostavu pismene ponude na adresu dva (2) ponuđaču koja se bave predmetnom djelatnošću.

Iz izvještaja o provedenom postupku konstatovano je:

- da ponuđač Delta Petrol d.o.o. Kakanj d.o.o. nije dostavio ponudu do vremenskog roka predviđenog za dostavu ponuda;
- da je ponuđač Euro-Sell d.o.o. Jelah-Tešanj ponudu dostavio u skladu sa zahtjevom za dostavljanje ponuda koja ispunjava sve zahtjeve u pogledu opisa predmeta nabavke;
- da je ponuda ponuđača Euro-Sell d.o.o. Jelah kvalifikovana i prihvatljiva za ugovorni organ.

U postupku donošenja ove Odluke posebno je cijenjena činjenica da je ponuđač Euro-Sell d.o.o. ponudio predmet nabavke u skladu sa zahtjevom i potrebama ugovornog organa kao i



potrebni EU certifikat sa atestom i završenom homologacijom kao i dokumentacijom za zaštitu prirode i okoline odobrenu od strane EU Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke ponuđač može izjaviti žalbu u roku od 5 (pet) dana od dana prijema Odluke o izboru. Žalba se podnosi ugovornom organu kao prvostepenoj instanci u žalbenom postupku.



Dostaviti:

- Euro Sell d.o.o.
Braće Omerbašić br.40
74264 Jelah
- Sektor za ekonomske poslove KUCZ KS
- Ministarstvo finansija Kantona Sarajevo
- a/a



E-mail: kucz@kucz.ks.gov.ba ; www.ks.gov.ba
Tel.: + 387 33/201-595 ; + 387 33/443-720; fax:033/560-453
71000 Sarajevo, Hamida Dizdara 1

U G O V O R

o javnoj nabavci putem direktnog sporazuma
"cisterna sa pumpom za točenje goriva"

I UGOVORNE STRANE

1. **Kantonalna uprava civilne zaštite Kantona Sarajevo**, ul. Hamida Dizdara br. 1., Sarajevo, koju zastupa direktor, Samir Džihic, (u daljnjem tekstu: **Kupac**), ID broj: 4200665390008 i
2. **Euro-Sell d.o.o.** Ul. Braće Omerbašić br.40, 74264 Jelah, kojeg zastupa direktor, Meša Šeherzada, (u daljnjem tekstu: **Prodavac**), ID broj: 4218812950002.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao „Ugovorne strane“.

II OSNOV ZA ZAKLJUČENJE UGOVORA

Osnov za zaključenje ovog Ugovora je Ponuda Prodavca, broj: 001-024/18 dostavljena putem e-maila, dana 19.04.2018. godine i Odluka o izboru za nabavku roba Kupca, broj: 22-06-14-836-3/18 od 08.05.2018. godine.

III PREDMET UGOVORA

Član 1.

Predmet ovog Ugovora je nabavka "cisterne sa pumpom za točenje goriva" prema tehničkoj specifikaciji, koja je navedena u Zahtjevu za dostavu ponude Kupca, broj: 22-06-14-836-1.1/18 od 18.04.2018. godine, kao i Ponudi Prodavca, br. 001-024/18 od 19.04.2018. godine, koje čine sastavni dio ovog Ugovora.

Član 2.

Predmet nabavke, Prodavac je dužan isporučiti prema svojoj Ponudi, te po uputstvima Kupca i u skladu sa važećim standardima.

IV CIJENA I NAČIN PLAĆANJE

Član 3.

Ukupna vrijednost ugovorene nabavke definisane u članu 1. ovog Ugovora iznosi: 5.440,50 KM (slovima: pethiljadačetiristotinečetrestet KM i 50/100).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana isplatiti na račun Prodavca broj: 1860001069306005 otvoren kod Turkish Ziraatbank.

Član 4.

Ugovorne strane su saglasne da će Kupac ukupnu vrijednost iz člana 3. stav 1. ovog Ugovora uplatiti Prodavcu po obostranom potpisivanju ugovora i isporuci predmeta nabavke, a najkasnije u roku od 5 dana od dana isporuke.

V ROK I MJESTO ISPORUKE

Član 5.

Prodavac se obavezuje da će robu iz člana 1. ovog Ugovora, isporučiti i realizovati na adresi svog skladišta najkasnije u roku do 15 dana od dana obostranog potpisivanja ovog Ugovora.

VI KVALITET ROBE

Član 6.

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno kvaliteta i karakteristika koji je dao u svojoj Ponudi, br. 001-024/18 od 19.04.2018. godine, a koju je Kupac odabrao kao prihvatljivu i kvalifikovanu.

Primopredaju robe između Prodavca i Kupca izvršit će ovlašteni predstavnici Prodavca i Kupca.

VII OBAVEZE PRODAVCA I KUPCA

Član 7.

Prodavac se obavezuje:

- da će ugovorenu obavezu izvršiti blagovremeno, u ugovorenom roku, u skladu sa zahtjevom za dostavu ponude, a prema dostavljenoj Ponudi;
- da će u najkraćem roku otkloniti eventualne nedostatke koji mu budu predočeni prilikom primopredaje roba iz člana 1. ovog Ugovora od strane ovlaštenog lica Kupca;
- da će dostaviti dokumentaciju koja se odnosi na EU certifikat, atest i homologaciju;
- da će izdati Kupcu garanciju na isporučenu robu u trajanju 6 mjeseci;
- da će izvršiti kratku obuku osoblja za rad sa pumpnim automatom;

Član 8.

Kupac se obavezuje:

- da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;
- da će pismeno obavijestiti Prodavca o svakom eventualnom propustu Prodavca u odnosu na pitanja utvrđena ovim Ugovorom.

VIII PRIJELAZNE I ZAVRŠNE ODREDBE

Član 9.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

Član 10.

Ugovorne strane su saglasne da će sve nesuglasice i sporove, koji eventualno mogu da proisteknu iz ovog Ugovora, prvenstveno nastojati riješiti sporazumno, a ukoliko, iz bilo kojeg razloga, to ne budu moguće, nadležan je Općinski sud u Sarajevu.

Član 11.

Ovaj Ugovor stupa na snagu danom njegovog potpisivanja od strane ovlaštenih predstavnika Prodavca i Kupca, i isti će se primjenjivati do izvršenja svih pojedinačnih obaveza predviđenih ovim Ugovorom.

Član 12.

Ugovor je sačinjen u 4 (četiri) istovjetna primjerka, od kojih svaka od ugovornih strana zadržava po 2 (dva) potpisana i ovjerena primjerka.

ZA PRODAVCA
Euro-Sell d.o.o.

M.P.



ZA KUPCA

DIREKTOR

Broj: 049-05/18

Broj: 22-06-14-836-5/18
Sarajevo, 14.05.2018. godine